



Republika e Kosovës
Republika Kosovo - Republic of Kosovo
Autoriteti i Konkurrencës
Autoritet za Konkurenciju - Competition Authority



Vendimi Nr.117/23

Datë: 18.12.2023

Duke u bazuar në nenin 11, 13, 15, 16, 17, 18, 26, 27 dhe neni 55 nën paragrafi 1.5, të Ligjit Nr. 08/L-056 Për Mbrojtjen e Konkurrencës dhe Udhëzimit Administrativ Nr. 02/2023, Për Mënyrën e Paraqitjes së Kërkesës dhe Kriteret për Konstatimin e Përqendrimit të Ndërmarrjeve dhe Udhëzimit Administrativ Nr.01/2023 Për Mënyrën e Përcaktimit të Tregut Relevant, Komisioni i Autoritetit të Konkurrencës i Republikës së Kosovës në mbledhjen e datës 18.12.2023, mori këtë;

V E N D I M

I. LEJOHET. Përqendrimi i ndërmarrjeve Netcetera Group AG lidhur me blerjen e aksioneve dhe marrjen e kontrollit mbi ndërmarrjen Braingroup AG.

II. Parashtruesi i njoftimit për Përqendrim obligohet të paguaj taksën administrative prej 1,000.00 €, me shkronja (njëmijë euro), dhe Autorizimin për Realizimin e Përqendrimit në përputhje me nenin 18 të ligjit për Mbrojtjen e Konkurrencës dhe neni 24 të Udhëzimit Administrativ Nr. 02/2023, bëhet kundrejt pagesës në vlerë prej 6,000.00 € me shkronja (gjashtë mijë Euro).

Arsyetim

Autoriteti i Konkurrencës i Republikës së Kosovës me datë; 27.10.2023, ka pranuar kërkesën me Nr. Prot. 512/23-11/H, lidhur me blerjen e aksioneve dhe marrjen e aksioneve nga Netcetera Group mbi AG mbi Braingroup AG.

Procedurat e ndjekura:

1. Vërtetimi për Kërkesën e Dorëzuar me datë 24.11.2023
2. Njoftimit për realizimin e përqendrimit në web faqen e AKRK-së me datë 24.11.2023
3. Marrëveshja e Shit-Blerjes së Aksioneve e lidhur me 11 tetor 2023, në bazë të së cilës Netcetera Group AG do të blejë 45.05% të aksioneve mbi ndërmarrjen Braingroup AG. (ndërmarrje synuar).

Netcetera Group AG, ndërmarrje e regjistruar në regjistrin komercial të Kantonit të Cyrihut, Zvicër, me numër të regjistrimit të biznesit che-109.878.067 dhe adresë të regjistruar në: Zypressentrasse 71, 8004 Cyrih, Zvicër. Aktivitet i ndërmarrjes: është kompani softuerike e cila

ofron shërbime të zhvillimit të IT sipas kërkesave të klientëve, përfshirë zhvillimin dhe zbatimin e softuerit të individualizuar të specifikuar për nevojat e klientëve të tij (Bespoke Software).

Braingroup AG, ndërmarrje e regjistruar në regjistrin komercial të Kantonit të Cyrihut, Zvicër, me numër të regjistrimit të biznesit CHE-109.406.998 dhe adresë të regjistruar në: Hohlstrasse 486/488, 8048 Cyrih, Zvicër. Aktivitet i ndërmarrjes: është ofruer i shërbimeve si këshillues financiar i softuerit dhe shërbimeve të transformimit digjital, përfshirë zgjidhjet inovative dhe inteligjentë këshillore dhe procese holistike të shitjeve për bankat, kompanitë e sigurimeve dhe siguruesit shëndetësor.

Tregu përkatës:

Tregu i produktit, është ofrimi i shërbime të zhvillimit të IT sipas kërkesave të klientëve, përfshirë zhvillimin dhe zbatimin e softuerit të individualizuar të specifikuar për nevojat e klientëve të tij (Bespoke Software).

Tregu gjeografik, në transaksionin e propozuar, do të konsiderohet tregu i Zvicrës.

Analiza e konkurrencës

Transaksioni i propozuar nuk do të shkaktoj ndonjë shqetësim për konkurrencën, duke pasur parasysh që Ndërmarrja e Synuar nuk është prezentë në Kosovë, qoftë përmes ndonjë filiali apo përmes shitjeve, edhe pas transaksionit ndërmarrja nuk ka qëllim të jetë e pranishme në tregun përkatës të Republikës së Kosovës. Transaksioni si i tillë nuk ndikon në kufizimin, shtrembërimin e konkurrencën në Kosovë, në veçanti shpie në krijimin apo përforcimin e pozitës dominuese.

Efektet e konkurrencës në tregun përkatës nga transaksioni i realizuar

Kërkesa për njoftim të përqendrimit është bërë për arsye se pala (blerësi) është prezent në Republikën e Kosovës, pra realizon të hyra në Kosovë përmes distributorëve të tij të autorizuar. Sipas vlerësimit të përqendrimit, nga ky transaksion nuk do të ketë efekte negative për konkurrencën, e rrjedhimisht për konsumatorët në Republikën e Kosovës. Nga të dhënat e ofruara konsiderojmë se implementimi i transaksionit nuk do të kenë efekt negativ në tregun kosovar, e rrjedhimisht nuk ka mundësi të kufizimit ose shtrembërimin të konkurrencës në tregun përkatës.

Komisioni i Konkurrencës ka vlerësuar se ky transaksion, nuk do të paraqesë efekte negative në konkurrencë, për arsye se ky transaksion /blerja nuk ndikon në forcimin e pozitës dominuese të ndërmarrjes blerëse tek operatorët ekonomik apo konsumatorët.

Shënim:

Çdo formë e shtrembërimit të konkurrencës, respektivisht sjellje anti – konkurruese, do të jetë nën monitorimin e Autoritetit Kosovar të Konkurrencës.

Kërkesa për Përqendrim, merr epilogun si në dispozitiv të këtij VENDIMI.

Ky vendim hyn në fuqi menjëherë

KOMISIONI I KONKURRENCËS

Neime Binaku-Isufi
Kryetare



Kaltrina Sela
Zv. Kryetare

Nafije Osdautaj
Anëtare

Florent Mehmeti
Anëtar

Salihe Gashi-Loku
Anëtare

A handwritten signature in blue ink, corresponding to Salihe Gashi-Loku.

III. Me këtë Vendim të njoftohen:

- Palët
- Arkiva